



Stjórnarfundur Minjasafns Austurlands, haldinn í Safnahúsinu, Laufskóginum 1 Egilsstöðum, fimmtudaginn 22. september kl. 12:30.

Mætt: Björn Ingimarsson (formaður), Vilhjálmur Jónsson, Rannveig Þórhallsdóttir, Þórdís Sveinsdóttir (í fjarfundi), Tinna Jóhanna Magnusson (í fjarfundi) og Elsa Guðný Björgvinsdóttir (safnstjóri).

Dagskrá:

1. Drög að ársreikningi 2023
2. Aðalfundur 2024
3. Starfshópur um breytt rekstrarfyrirkomulag Minjasafns Austurlands
4. Framkvæmdir við safnahús
5. Sumarið framundan
6. Skýrsla safnstjóra
7. Önnur mál.

1. Drög að ársreikningi 2023

Lögð fram drög að ársreikningi fyrir árið 2023. Elsa Guðný kynnti drögin og svaraði fyrirspurnum stjórnarmanna.

Stjórn Minjasafns Austurlands samþykkir framlögð drög að ársreikningi fyrir rekstrarárið 2023.

2. Aðalfundur 2024

Stjórn Minjasafns Austurlands samþykkir að fela safnstjóra að boða til aðalfundar þegar hentug dagsetning liggur fyrir í samræmi við samþykktir safnsins.

3. Starfshópur um breytt rekstrarfyrirkomulag Minjasafns Austurlands

Stjórnarmaður fór yfir störf starfshóps um mögulega breytt fyrirkomulag á rekstri safnsins sem byggja á hugmyndum um að Múlaþing tæki við rekstrinum og að stofnað yrði fagráð sem fær með fagleg málefni þ.e. safnamál. Einnig yfir hvernig þarf að standa að slitum á byggðasamlagi um safnið og fjárhagslegt uppgjör. Með því yrði byggðasamlagið lagt niður. Þegar starfshópurinn hefur lokið störfum og skilað af sér mun stjórn koma saman og fjalla um niðurstöðu hans.

4. Framkvæmdir við safnahús

Safnstjóri lagði fram tillögur að teikningum af fyrirhugaðri viðbyggingu við safnahúsið og kynnti útfærslur.

Stjórn Minjasafns Austurlands lýsir mikilli ánægju með fyrirliggjandi útfærslur á viðbyggingu við safnahúsið og leggur áherslu á byggingarnefnd sjái til þess að framkvæmdir hefjist á árinu í samræmi við gildandi fjárhagsáætlun Múlaþings og að unnið verði að framvindu framkvæmda í samræmi við hana.

5. Sumarið framundan

Safnstjóri gerði grein fyrir hugmyndum um breyttan opnunartíma í sumar, þ.e. að almennt verði lokað á sunnudögum en opnað verði fyrir hópa. Gert er ráð fyrir að ráðinn verði sumarstarfsmaður með bókasafninu, áþekk tilhögun og s.l. sumar.

6. Skýrsla safnstjóra

Safnstjóri fór yfir starfsemi safnsins og helstu viðburði á vegum þess frá síðasta fundi stjórnar. Þar bar hæst:

Afmælisár

Á síðasta ári voru 80 ár frá því að Minjasafn Austurlands var stofnað. Afmælinu var aðallega fagnað á vef og samfélagsmiðlum safnsins þar sem birtar voru greinar um starfsemina í gegnum tíðina (afmælismolar) auk þess sem farið var í sérstakt átak á Instagram og Facebook undir yfirschriftinni 80 færslur á 80 dögum þar sem starfsemi og saga safnsins var kynnt með fjölbreyttum hætti og góðum árangri.

Safnfræðsla

-Bras

Safnið stóð fyrir vel heppnuðum safnfræðsluverkefnum í tengslum við BRAS síðastliðið haust þar sem áhersla var lögð á óáþreifanlegan menningararf. Grunnskóum í Múlaþingi var boðið uppá þrjár mismunandi smiðjur: Tóvinnusmiðju með starfskonus Minjasafnsins, tálgunarsmiðju með Bjarka Sigurðssyni og langspilssmiðju með Eyjólfvi Eyjólfssyni þjóðfræðingi og tónlistarmanni. Allir skólanir í Múlaþingi tóku þátt í smiðjunum sem fóru ýmist fram á safninu eða í skólunum, allt eftir aðstæðum í hverjum skóla. Alls tóku 133 nemendur þátt (hluti nemenda kom þrisvar, ef þeir eru taldir í hvert sinn var fjöldinn 223).

-Safnfræðsla á árinu 2023

Sjaldan hafa fleiri nemendur tekið þátt í safnfræðslu Minjasafns Austurlands en á árinu sem var að líða en um 800 nemendur nýttu fræðsluverkefni safnsins á árinu. Fjöldinn hefur aðeins þrisvar verið meiri á ársgrundvelli en það var á árunum 2009-2011. Allir grunnskólar í Múlaþingi tóku þátt í einhverjum fræðsluverkefnum á vegum safnsins og Menntaskólinn á Egilsstöðum og leikskólarnir á Egilsstöðum og í Fellabæ voru einnig duglegir að nýta sér safnið og það sem þar er í boði.

Viðburðir

- Dagar myrkurs

Í tilefni af byggðahátíðinni Dögum myrkurs buðu söfnin í Safnahúsinu til fjölskyldusamveru þar sem afþreying sem tengist árstímanum, myrkrinu og hrekkjavökunni voru í hávegum. Meðal annars var sett upp aðstaða þar sem fólk gat skorið út í rófur að gömlum sið.

- Jólasamvera

Hin árlega jólasamvera Safnahússins var haldin 29. nóvember en eins og undanfarin ár tóku söfnin í húsinu þá höndum saman og buðu upp á margvíslega afþreyingu og notalega fjölskyldusamveru. Jólasýning Minjasafnsins, Þorláksmessukvöld, var opnuð, á Bókasafninu var jólalegur upplestur og sjálfur Skyrgámur gerði sig heimakomin á Skjalasafninu gestum til mikillar gleði.

- Öskupoka- og bolluvandasmiðja

Minjasafnið, Bókasafn Héraðsbúa og Soroptimistaklúbbur Austurlands stóðu saman að öskupoka- og bolluvandasmiðju í febrúar. Þetta var í sjöunda sinn sem félagar úr Soroptimistakúbbi Austurlands koma í Safnahúsið í aðdraganda öskudags til að kenna réttu handtökin við öskupokasaum. Í ár var síðan bætt um betur og einnig boðið upp á bolluvandasmiðju þar sem gestir gátu komið sé upp bolluvendi úr endurunnum hráefnum.

Styrkir

Safnið hefur hlotið ýmsa styrkitil verkefna sem fyrirhuguð eru á árinu. Þar er um að ræða viðamikið samstarfsverkefni um Kjarval á Austurlandi, sumarsýningu safnsins og símenntun starfsfólks

Safnasjóður:

Kjarval á Austurlandi: 2.000.000 kr.

Símenntun - Farskóli safnafólks: 200.000 kr,

Símenntun - námskeið: Röð og regla á söfnun. Umhirða á sýningum: 150.000 kr.

Landsvirkjun:

Kjarval á Austurlandi: 500.000 kr.

Uppbyggingarsjóður:

Kjarval á Austurlandi: 1.500.000 kr.

Sumarsýning: 500.000 kr.

Múlaþing:

Kjarval á Austurlandi: 500.000 kr.

3. Önnur mál

Engin önnur mál.

Fleira var ekki tekið fyrir og fundi slitið kl. 13:45.

Fundargerð ritaði Vilhjálmur Jónsson